

Z A P I S N I K
O RADU SA 46. RADNE SJEDNICE SKUPŠTINE KANTONA SARAJEVO,
ODRŽANE U UTORAK, 14.12.2021. GODINE SA POČETKOM RADA U 10,00 SATI

Predsjedavajući Elvedin Okerić (u daljem tekstu: predsjedavajući) je otvorio 46. Radnu sjednicu Skupštine Kantona Sarajevo.

(HIMNA)

Sjednici prisustvuje 29 zastupnika, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Sabahudin Delalić
5. Mahir Dević
6. Amra Hasagić
7. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak

DEMOKRATSKA FRONTA

1. Bibija Kerla

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić
9. Senad Hasanović
10. Sead Milavica
11. Mirza Čelik
12. Bilsena Šahman

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 29.11.2021.godine utvrdio dnevni red, a isti je dopunio na sjednici Kolegija održanoj dana 10.12.2021. godine.

UTVRĐIVANJE DNEVNOG REDA SJEDNICE.

Na osnovu naprijed navedenog, Prijedlog dnevnog reda 46. Radne sjednice, glasi:

1. Poslanička/zastupnička pitanja inicijative i odgovori;
2. Nacrt Zakona o izmjenama i dopunama Zakona o porezu na promet nekretnina i porezu na naslijeđe i poklone;
3. Nacrt Zakona o izmjenama i dopunama Zakona o šumama Kantona Sarajevo;
4. Nacrt Zakona o izmjenama Zakona o vodama Kantona Sarajevo;
5. Nacrt Zakona o kantonalnoj agenciji za privlačenje investicija i privatizaciju;
6. Prijedlog Strategije razvoja Kantona Sarajevo 2021-2027;
7. Prijedlog Odluke o prihvatanju ostavke i razrješenju dužnosti pravobranioca Pravobranilaštva Kantona Sarajevo;
8. Prijedlog Odluke o davanju saglasnosti na Statut o izmjenama i dopunama Statuta Javne ustanove Zavod za hitnu medicinsku pomoć Kantona Sarajevo;
9. Prijedlog Odluke o davanju naziva novoformiranoj ulici u naselju Nova Otoka na području Općine Novi Grad Sarajevo;
10. Prijedlog Odluke o davanju naziva naseljenom mjestu na području Općine Novi Grad Sarajevo;
11. Prijedlog Odluke o osnivanju Javnog preduzeća "Televizija Kantona Sarajevo" d.o.o. Sarajevo;
12. Prijedlog Odluke o usvajanju "Bilansa energetske potrebe Kantona Sarajevo za 2021. godinu";
13. Studija o Zdravstvenom stanju stanovništva, odrednicama zdravlja i zdravstvenoj zaštiti u Kantonu Sarajevo u 2020. godini, sa Mišljenjem Ministarstva zdravstva i prijedlogom mjera za poboljšanje zdravstvenog stanja stanovništva na Kantonu Sarajevo.

ZASTUPNICE I ZASTUPNICI SU PRISTUPILI IZJAŠNJAVANJU I NAKON GLASANJA KONSTATOVANO JE DA JE SKUPŠTINA ZA 46. RADNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE I PREDLOŽEN SA 21 „ZA” I 6 „PROTIV”.

Kao informativni materijal zastupnicima i zastupnicama je dostavljeno sljedeće:

- Cjelovita informacija o stanju u oblasti protivpožarne zaštite u stambenom sektoru u Kantonu Sarajevo;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec oktobar 2021. godine.

Prije nego realizacije prve tačke dnevnog reda razmatran je zapisnik sa stenogramom sa 41. Radne sjednice Skupštine Kantona Sarajevo, koji je dostavljen u dopuni.

Zastupnice i zastupnici su se izjasnili o Zapisniku sa 41. Radne sjednice Skupštine Kantona Sarajevo i nakon glasanja konstatovano je da je Skupština potvrdila (27 “za”) Zapisnik 41. Radne sjednice Skupštine Kantona Sarajevo održane 07.09. i 13.09.2021.godine.

Predsjedavajući je preložio da se prva tačka 1. Poslanička/zastupnička pitanja i inicijative razmatra kao posljednja i da se tačka 7. Prijedlog Odluke o prihvatanju ostavke i razrješenje dužnosti pravobranioca Pravobranilaštva Kantona Sarajevo razmatra kao tačka 1.te da se Nacrt Zakona o izmjenama i dopunama Zakona o šumama Kantona Sarajevo se razmatra kao tačku 2.

OVAJ PRIJEDLOG JE SKUPŠTINA PRIHVATILA SA 21 “ZA” I 2 “SUZDRŽANA”.

AD – 7.

PRIJEDLOG ODLUKE O PRIHVATANJU OSTAVKE I RAZRJEŠENJU DUŽNOSTI PRAVOBRANIOCA PRAVOBRANILAŠTVA KANTONA SARAJEVO

Prijedlog su zastupnice i zastupnici dobili u dopunskom materijalu, a uvodne napomene podnijela je Danijela Kristić kao predsjedavajuća Komisije za izbor i imenovanja i administrativna pitanja.

NIJE BILO PITANJA NITI DISKUSIJE PA JE PREDSJEDAVAJUĆI POZVAO ZASTUPNIKE DA SE IZJASNE O PRIJEDLOGU ODLUKE O PRIHVATANJU OSTAVKE I RAZRJEŠENJU DUŽNOSTI PRAVOBRANIOCA PRAVOBRANILAŠTVA KANTONA SARAJEVO.

NAKON GLASANJA KONSTATOVANO JE DA JE SKUPŠTINA DONIJELA (28 “ZA”) OVU ODLUKU.

Nakon realizacije ove tačke uslijedila je pauza od pola sata na zahtjev Kluba SDA.

NASTAVAK NAKON PAUZE

AD – 3.

NACRT ZAKONA O IZMJENAMA I DOPUNAMA ZAKONA O ŠUMAMA KANTONA SARAJEVO

Materijal su zastupnice i zastupnici dobili uz poziv za sjednicu, a uvodne napomene po ovom Nacrtu dao je ministar privrede Adnan Delić. Skupštini se po ovom Nacrtu zakona obratio i dekan Šumarskog fakulteta Prof.dr. Ahmet Lojo.

Nakon obraćanja ministra Delića i dekana Šumarskog fakulteta Prof.dr. Ahmeta Loje, pitanja su postavili: zastupnik Mahir Dević, zastupnik Zvonko Marić, zastupnica Admela Hodžić, zastupnica Jasmina Bišćević-Tokić. Odgovori na pitanja su sadržani u stenogramu ove sjednice.

U diskusiji po ovom Nacrtu zakona učestvovali su: zastupnik Mahir Dević, zastupnica Jasmina Bišćević-Tokić, zastupnik Zvonko Marić, zastupnik Vildana Bešlija, zastupnik Segmedina Srna Bajramović i zastupnik Haris Zahiragić.

Nakon zaključene rasprave predsjedavajući je predložio da Skupština po Nacrtu Zakona o izmjenama i dopunama Zakona o šumama Kantona Sarajevo donese sljedeće Zaključke:

1. Utvrđuje se Nacrt Zakona o izmjenama i dopunama Zakona o šumama Kantona Sarajevo;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izmjenama i dopunama Zakona o šumama Kantona Sarajevo.

PREDSJEDAVALA JE POZVAO ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

NAKON GLASANJA KONSTATOVANO JE DA JE SKUPŠTINA DONIJELA (18 „ZA”, 5 „PROTIV” I 5 „SUZDRŽANIH” OVE ZAKLJUČKE.

Nakon realizacije ove tačke dnevnog reda predsjedavajući Elvedin Okerić je prekinuo rad na 46. sjednici te informisao da će nastavak biti održan u što kraćem roku.

Zapisnik izradila:

Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVALA JE
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.

Z A P I S N I K
SA NASTAVKA 46. RADNE SJEDNICE SKUPŠTINE KANTONA SARAJEVO
ODRŽANOG U PONEĐJELJAK, 27.12.2021. GODINE,
SA POČETKOM RADA U 10,00 SATI

Predsjedavajući Elvedin Okerić (u daljem tekstu predsjedavajući) je pozdravio sve prisutne i otvorio nastavak 46. Radne sjednice Skupštine Kantona Sarajevo.

Sjednici prisustvuje 25 zastupnika, što je dovoljan broj za punovažan rad i odlučivanje.

Sjednici su prisustvovali/le zastupnici/zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Sabahudin Delalić
5. Mahir Dević
6. Amra Hasagić
7. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak

DEMOKRATSKA FRONTA

1. Bibija Kerla

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić
9. Senad Hasanović
10. Sead Milavica
11. Mirza Čelik
12. Bilsena Šahman

Na prethodnom zasjedanju zastupnice i zastupnici su razmatrali TREĆU I SEDMU tačku dnevnog reda, tako da za danas preostaju sljedeće tačke:

2. Nacrt Zakona o izmjenama i dopunama Zakona o porezu na promet nekretnina i porezu na naslijeđe i poklone;
4. Nacrt Zakona o izmjenama Zakona o vodama Kantona Sarajevo;
5. Nacrt Zakona o kantonalnoj agenciji za privlačenje investicija i privatizaciju;
6. Prijedlog Strategije razvoja Kantona Sarajevo 2021-2027;
8. Prijedlog Odluke o davanju saglasnosti na Statut o izmjenama i dopunama Statuta Javne ustanove Zavod za hitnu medicinsku pomoć Kantona Sarajevo;
9. Prijedlog Odluke o davanju naziva novoformiranoj ulici u naselju Nova Otoka na području Općine Novi Grad Sarajevo;
10. Prijedlog Odluke o davanju naziva naseljenom mjestu na području Općine Novi Grad Sarajevo;
11. Prijedlog Odluke o osnivanju Javnog preduzeća “Televizija Kantona Sarajevo” d.o.o. Sarajevo;
12. Prijedlog Odluke o usvajanju “Bilansa energetske potrebe Kantona Sarajevo za 2021. godinu”;
13. Studija o Zdravstvenom stanju stanovništva, odrednicama zdravlja i zdravstvenoj zaštiti u Kantonu Sarajevo u 2020. godini, sa Mišljenjem Ministarstva zdravstva i prijedlogom mjera za poboljšanje zdravstvenog stanja stanovništva na Kantonu Sarajevo;
1. Poslanička/zastupnička pitanja inicijative i odgovori;

Sjednica je nastavila sa realizacijom tačke 2.

AD - 2.

NACRT ZAKONA O IZMJENAMA I DOPUNAMA ZAKONA O POREZU NA PROMET NEKRETNINA I POREZU NA NASLIJEĐE I POKLONE

Materijal su zastupnice i zastupnici dobili uz poziv za sjednicu.

Uvodne napomene po ovom Nacrtu podnio je ministar finansija Davor Čičić dok su pitanja postavili zastupnica Bibija Kerla, zastupnik Sead Milavica, zastupnik Zvonko Marić, zastupnik Senad Hasanović, zastupnica Jasna Duraković, zastupnica Admela Hodžić, i

zastupnik Damir Nikšić. Ministar finansija Davor Čičić je dao odgovore na pitanja zastupnica i zastupnika i isti su sadržani u stenogramu ove sjednice.

Nadalje, u diskusiji po ovom Nacrtu učestvovali su: zastupnik Zvonko Marić, zastupnica Admela Hodžić, dopredsjedavajuća Danijela Kristić, zastupnik Samir Suljević, zastupnik Sead Milavica, zastupnica Amra Junuzović-Kaljić, zastupnica Amra Hasagić, zastupnik Senad Hasanović, dopredsjedavajući Vibor Handžić, zastupnica Segmedina Srna Bajramović, zastupnica Vildana Bešlija, zastupnik Haris Zahiragić i zastupnik Damir Nikšić.

Nakon zaključene rasprave predsjedavajući je predložio da Skupština po Nacrtu Zakona o izmjenama i dopunama Zakona o porezu na promet nekretnina i porezu na naslijeđe i poklone donese sljedeće Zaključke:

1. Utvrđuje se Nacrt Zakona o izmjenama i dopunama Zakona o porezu na promet nekretnina i porezu na naslijeđe i poklone;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće **30 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o porezu na promet nekretnina i porezu na naslijeđe i poklone.

NADALJE, PREDSJEDAVALA JE POZVAO ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

NAKON GLASANJA KONSTATOVANO JE DA JE SKUPŠTINA DONIJELA (29 “ZA”) OVE ZAKLJUČKE.

AD – 4.

NACRT ZAKONA O IZMJENAMA ZAKONA O VODAMA KANTONA SARAJEVO

Materijal su zastupnice i zastupnici dobili uz poziv za sjednicu, a uvodne napomene podnio je ministar privrede Adnan Delić.

Nakon uvodnih napomena pitanja su imali zastupnik Zvonko Marić, zastupnica Admela Hodžić, zastupnik Igor Stojanović i zastupnik Hamed Aljović. Odgovore na pitanja dao je ministar privrede Adnan Delić i isti su sadržani u stenogramu ove sjednice.

U diskusiji po Nacrtu zakona o izmjenama Zakona o vodama Kantona Sarajevo učestvovali su: zastupnica Admela Hodžić, zastupnik Mahir Dević, zastupnik Igor Stojanović, zastupnik Zvonko Marić, zastupnik Senad Hasanović, zastupnica Segmedina Srna Bajramović i zastupnik Haris Zahiragić.

Nakon zaključene rasprave predsjedavajući je predložio da Skupština po Nacrtu Zakona o izmjenama Zakona o vodama Kantona Sarajevo donese sljedeće Zaključke:

1. Utvrđuje se Nacrt Zakona o izmjenama Zakona o vodama Kantona Sarajevo;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izmjenama Zakona o vodama Kantona Sarajevo.

ZASTUPNICE I ZASTUPNICI SU PRISTUPILI IZJAŠNJAVANJU O PREDLOŽENIM ZAKLJUČCIMA I NAKON GLASANJA KONSTATOVANO JE DA JE SKUPŠTINA DONIJELA (32 “ZA”) OVE ZAKLJUČKE.

Nakon realizacije 4. tačke usvojena je pauza za ručak u trajanju od sat i 15 minuta.

NASTAVAK NAKON PAUZE

AD – 5.

NACRT ZAKONA O KANTONALNOJ AGENCIJI ZA PRIVLAČENJE INVESTICIJA I PRIVATIZACIJU

Materijal su zastupnice i zastupnici dobili uz poziv za sjednicu, a uvodne napomene podnio je ministar privrede Adnan Delić.

Nakon uvodnih napomena po ovom Nacrtu pitanja su imali zastupnica Jasmina Bišćević-Tokić, zastupnica Amra Hasagić, zastupnik Vedran Jakupović, zastupnik Mirza Čelik i zastupnik Mahir Dević.

Odgovore na pitanja zastupnica i zastupnika dao je ministar privrede Adnan Delić, a nakon njegovog izlaganja otvorena je diskusija u kojoj su učestvovali: zastupnik Elmedin Konaković, zastupnik Haris Zahiragić, zastupnik Aljoša Čampara, zastupnica Bibija Kerla, zastupnik Vedran Jakupović, zastupnica Jasmina Bišćević-Tokić, zastupnik Zvonko Marić, zastupnica Segmedina Srna Bajramović, zastupnik Dževad Poturak i dopredsjedavajući Vitor Handžić.

Nakon zaključene rasprave dopredsjedavajući Handžić je predložio da Skupština po Nacrtu Zakona o kantonalnoj agenciji za privlačenje investicija i privatizaciju donese sljedeće Zaključke:

1. Utvrđuje se Nacrt Zakona o kantonalnoj agenciji za privlačenje investicija i privatizaciju;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 30 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o kantonalnoj agenciji za privlačenje investicija i privatizaciju.

DOPREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PREDLOŽENIM ZAKLJUČCIMA.

NAKON GLASANJA KONSTATOVANO JE DA JE SKUPŠTINA DONIJELA (20 “ZA”, 1 “PROTIV” I 3 “SUZDRŽANA”) OVE ZAKLJUČKE.

AD – 6.

PRIJEDLOG STRATEGIJE RAZVOJA KANTONA SARAJEVO 2021-2027

TAČKA POVUČENA ZBOG TEHNIČKIH RAZLOGA

AD – 8.

PRIJEDLOG ODLUKE O DAVANJU SAGLASNOSTI NA STATUT O IZMJENAMA I DOPUNAMA STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO

Materijal su zastupnice i zastupnici dobili uz poziv za sjednicu.

S OBZIROM DA NIJE BILO PITANJA I DISKUSIJE PREDSJEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O DAVANJU SAGLASNOSTI NA STATUT O IZMJENAMA I DOPUNAMA STATUTA JAVNE USTANOVE ZAVOD ZA HITNU MEDICINSKU POMOĆ KANTONA SARAJEVO.

NAKON GLASANJA KONSTATOVANO JE DA JE SKUPŠTINA DONIJELA (22 “ZA” I 1 “SUZDRŽAN”) OVU ODLUKU.

AD – 9.

PRIJEDLOG ODLUKE O DAVANJU NAZIVA NOVOFORMIRANOJ ULICI U NASELJU NOVA OTOKA NA PODRUČJU OPĆINE NOVI GRAD SARAJEVO

AD – 10.

PRIJEDLOG ODLUKE O DAVANJU NAZIVA NASELJENOM MJESTU NA PODRUČJU OPĆINE NOVI GRAD SARAJEVO

TAČKE 9. I 10. SU POVUČENE.

Na zahtjev zastupnika Mirze Čelika data je pauza u trajanju od 15 minuta.

NASTAVAK NAKON PAUZE

AD – 11.

PRIJEDLOG ODLUKE O OSNIVANJU JAVNOG PREDUZEĆA “TELEVIZIJA KANTONA SARAJEVO” D.O.O. SARAJEVO

Materijal su zastupnice i zastupnici dobili u dopuni, a uvodne napomene podnijela je Sekretarka Ministarstva pravde i uprave Indira Šulović. Po ovom Prijedlogu odluke pitanja su

postavili zastupnik Jasmina Bišćević-Tokić, zastupnik Haris Zahiragić i zastupnica Bibija Kerla. Nadalje, jedini diskutant je bila zastupnica Jasmina Bišćević-Tokić.

NAKON DISKUSIJE PREDSEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O OSNIVANJU JAVNOG PREDUZEĆA “TELEVIZIJA KANTONA SARAJEVO” D.O.O. SARAJEVO.

NAKON GLASANJA KONSTATOVANO JE DA JE SKUPŠTINA DONIJELA (20 “ZA”, 5 “PROTIV” I 1 “SUZDRŽAN”) OVU ODLUKU.

AD - 12.

PRIJEDLOG ODLUKE O USVAJANJU “BILANSA ENERGETSKIH POTREBA KANTONA SARAJEVO ZA 2021. GODINU”

Materijal su zastupnice i zastupnici dobili u dopuni.

S OBZIROM DA NIJE BILO PITANJA I DISKUSIJE PREDSEDAVAJUĆI JE POZVAO ZASTUPNIKE DA SE IZJASNE O PRIJEDLOGU ODLUKE O USVAJANJU “BILANSA ENERGETSKIH POTREBA KANTONA SARAJEVO ZA 2021. GODINU”.

NAKON GLASANJA KONSTATOVANO JE DA JE SKUPŠTINA DONIJELA (22 “ZA” I 4 “SUZDRŽANA”) OVU ODLUKU.

AD – 13.

STUDIJA O ZDRAVSTVENOM STANJU STANOVNIŠTVA, ODREDNICAMA ZDRAVLJA I ZDRAVSTVENOJ ZAŠTITI U KANTONU SARAJEVO U 2020. GODINI, SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA NA KANTONU SARAJEVO

Materijal su zastupnice i zastupnici dobili uz poziv za sjednicu.

S OBZIROM DA NIJE BILO PITANJA I DISKUSIJE PREDSEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O STUDIJU O ZDRAVSTVENOM STANJU STANOVNIŠTVA, ODREDNICAMA ZDRAVLJA I ZDRAVSTVENOJ ZAŠTITI U KANTONU SARAJEVO U 2020. GODINI, SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA NA KANTONU SARAJEVO.

NAKON GLASANJA KONSTATOVANO JE DA JE SKUPŠTINA USVOJILA (19 “ZA”) OVU STUDIJU.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Elmedin Konaković je podnio sljedeće (citiramo):”Dakle pitanje upućujem ministru Vraniću i Ljekarskoj komori Kantona Sarajevo. Tražim da mi se dostave informacije o pravnom statusu Ljekarske komore Kantona Sarajevo za koju smo čitali prvostepenu presudu kako nije u skladu sa Zakonom imenovana i formirana. Čeka se navodno to neko drugostepeno odlučivanje. Kakav je njihov pravni status? Drugi dio pitanja upućujem i ministru Vraniću ali i Ljekarskoj komori direktno da mi dostave informacije gdje su smješteni zapravo, gdje je njihovo sjedište? I da li je tačno da su smješteni u zgradi koja nema postojeće dozvole? Zapravo u nelegalnom objektu. Tražim da pored svih ovih nejasnoća i nepravilnosti u pravnom sistemu kažu i da li imaju adekvatan ugovor sa zakupodavcem i da li je zakupodavac u smislu legalnosti, legalan objekat. Hvala.”

Zastupnica Amra Hasagić je podnijela sljedeće: “Ja upućujem inicijativu Ministarstvu za boračka pitanja da u saradnji sa Fondom memorijala Kantona Sarajevo i porodicom pokojnog Karla Ivandića hitno pristupu izradi i izgradnji adekvatnog spomen obilježja pomenutom tragično stradalom momku. Karlo Ivandić je bio osamnaestogodišnji mladić koji se među prvima prijavio u Štab Teritorijalne odbrane, koji je u tom periodu bio smješten u O.Š. „Petar Dokić“ na Čengić Vili, danas O.Š. „Osman Nakaš“, koju je Karlo Ivandić završio. Prilikom pada sarajevskog naselja Otes smrtno je pogođen metkom u glavu. Danas, 29 godina nakon njegovog smrtnog ranjavanja, imena i prezimena Karla Ivandića nema na ploči s imenima šehida i poginulih boraca ispred O.Š. „Osman Nakaš“, niti na spomen ploči s imenima šehida i poginulih boraca na Ilidži, kojoj teritorijalno i administrativno pripada naselje Otes. Nakon izjašnjenja Vlade i Ministarstva o ovoj inicijativi tražim da se i Skupština izjasni. Cijeneći prijedlog kolege Damira Marjanovića i da bi smo bili efikasniji svoja ostala pitanja ću dostaviti u pismenoj formi. Zahvaljujem.”

Dopredsjedavajuća Danijela Kristić je podnijela sljedeće: “Ja imam dvije inicijative. Prva inicijativa ide prema Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvo za boračka pitanja, KJKP „Pokop“ d.o.o. Sarajevo i Općina Ilidža. Ovim putem podnosim inicijativu za osvjetljenje gradskog groblja Vlakovo uključujući i glavne saobraćajnice.

Obrazloženje: Gradsko groblje Vlakovo, je jedino aktivno komunalno groblje u Kantonu Sarajevo, u njegovom sastavu nalazi se i Aleja Veterana. Navedeni lokalitet nije u sistemu javne rasvjete, pa samim tim gradsko groblje nije u potpunost osvjetljeno. Predlažem da se u što kraćem vremenskom periodu poduzmu aktivnost potrebne za izradu projekta priključenja gradskog groblja Vlakovo, ali i glavnih saobraćajnica u sistem javne rasvjete, te postavljanja dovoljnog broja rasvjetnih tijela.

Druga inicijativa također prema Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvo za boračka pitanja, KJKP „Pokop“ d.o.o. i KJKP Park. Ovim putem podnosim inicijativu za postavljanje dovoljnog broja klupa za odmor posjetilaca na lokalitetu gradskog groblja Vlakovo.

Obrazloženje: S obzirom da je gradsko groblje Vlakovo otvoreno 1985.godine, te da je jedino aktivno komunalno groblje na kojem se vrši redovan ukop preminulih osoba, potrebno je da KJKP “Park” d.o.o. Sarajevo u saradnji sa KJKP “Pokop” d.o.o. uz podršku resornih Ministarstava poduzme aktivnost kako bi se definisao i postavio dovoljan broj klupa za odmor posjetilaca. Hvala.”

Zastupnik Dževad Poturak je podnio sljedeće (citiramo):”Pitanje za ministricu za rad,

socijalna pitanja i direktoricu Zavoda za zapošljavanje a iskreno bih volio da mi kao Kanton tražimo izmjene Zakona na nivou FBIH. Želim da mi se dostavi podatak koliko je osoba skinuto sa evidencije nezaposlenih osoba u Kantonu Sarajevo u prošloj i ovoj godini, zato jer su imali neki ugovor o djelu ili ugovor o autorskom djelu. Prema Zakonu o posredovanju u zapošljavanju i socijalnoj sigurnosti nezaposlenih. Nezaposlena osoba je osoba sposobna za rad koja nije u radnom odnosu a koja:

- a) nema registrovano privredno društvo i drugo radno pravno lice odnosno ne ostvaruje dividendu po osnovu udjela u privrednom društvu ili drugom pravnom licu.
- b) nema registriran obrt
- c) ne bavi se poljoprivrednom djelatnošću
- d) nije užiwalac penzije prema propisima o penzionom i invalidskom osiguranju.
- e) nije redovan učenik ili student,
- f) ostvaruje prihod po bilo kom osnovu
- g) aktivno traži posao.

Osobe iz tačke a i f smatra će se nezaposlenim ukoliko njihov prihod ne prelazi mjesečno 35% prosječne plate u toku prethode godine prema podacima Federalnog Zavoda za statistiku. E u tome leži kvaka. Ukoliko lice koje je na evidenciji Zavoda za zapošljavanje nema zasnovan radni odnos, a ostvaruje prihod po osnovu ugovora o djelu, ugovora o autorskom djelu i drugo, na mjesečnom nivou veći od 35% prosječne plaće u FBIH automatski se skida ili briše sa evidencije Zavoda za zapošljavanje čime gubi između ostalog i pravo na zdravstveno osiguranje. Dolazimo u situaciju da nezaposlene osobe a posebno mladi, nađu neki angažman, budu isplaćeni za to i onda im oduzmemo jedno od osnovnih ljudskih prava, prava na zdravlje. Zar zaista možemo očekivati da nezaposlena osoba može preživjeti i priuštiti sebi život i zdravlje za okvirno 350 KM mjesečno i to jednokratno. Svjestan sam da taj Zakon nije naša djelatnost da bi smo ga mijenjali ali želim da te osobe znaju da ima neko ko o njima vodi računa. Najtužnije je to što su to u većini mladi koji se potrudu nešto zaraditi pošteno a onda ostanu bez prava na zdravstvo. Na žalost poslodavci zloupotrebljavaju davanjem ugovora o djelu poslodavac plaća manje porezne obaveze čime vrše zloupotrebe. U smislu da se obavljanje istog posla plaćaju doprinosi po nižoj stopi. Znači svaki ugovor o djelu uplaćuje se 4% od osnovice za zdravstveno osiguranje a osoba angažovana po ugovoru o djelu ne može to koristiti jer tako Zakon kaže. Ja želim da čujemo svi koji je broj tih osoba koje su skinute jer stvaramo privid da se smanjuje broj nezaposlenih a ustvari nam se ne uvećava broj zaposlenih nego ih stavljamo u neku sivu zonu. Zahvaljujem predsjedavajući.”

Zastupnica Jasna Duraković je podnijela sljedeće: “Ja imam jednu inicijativu i par pitanja. Inicijativa je upućena Ministarstvu za boračka pitanja.

Upućujem inicijativu Vladi Kantona Sarajevo i Ministarstvu za boračka pitanja za usklađivanje Uredbe o jedinstveniji kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo sa članom 14. Zakona o pravima branilaca i članova njihovih porodica. Naime, **Obrazloženje:** Članom 6. predmetne Uredbe propisano je da se vrednovanje iz ove uredbe vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervjuu, na

ukupan broje ostvarenih bodova, u zavisnost od pripadnost branilačkoj populaciji, dodaju i dodatni bodovi, tako da se na ukupan broje ostvarenih bodova dodaje postotak od istih po kategorijama lica, te se na taj način

favorizuje lica (branioci i članovi njihovih porodica) a što je suprotno članu 14. tačka 4. Zakona o pravima branilaca i članova njihovih porodica kojim je propisano da svi pri zapošljavanju licima iz člana 2. ovog Zakona

osigura prednost pod jednakim uslovima, što znači da kandidat po ovom osnovu može imat prednost samo u slučaju ako ima isti broje ostvarenih bodova kao i drugi najuspješniji

kandidat. Međutim, Uredba koja je na snazi

favorizuje kandidate po ovom osnovu i često se dešava u praksi da se diskriminiraju najuspješniji kandidat, te je neophodno hitno uskladiti Uredbu sa Zakonom kako bi se otklonila diskriminacije.

Pitanje koje upućujem već evo treći put i ja bih zaista insistirala na usmenom odgovoru, ne danas ali na sutrašnjoj radnoj sjednici. Nadam se da će ministrica Prvulović ponuditi neki odgovor. Naime riječ je o inicijativi koju sam uputila u martu mjesecu og. Još uvijek nisam dobila adekvatan odgovor po pitanju iste. Inicijativa se ticala moguće isplate najugroženijim penzionerima u Kantonu Sarajevo. Da se napravi neka analiza stanja, procjena koji je to broj penzionera u Kantonu Sarajevo. Ljudi koji žive zaista na ivici siromaštva u iznosu za koji Vlada procijeni da je moguće isplatiti i pod uslovom da se prethodno napravi ova analiza. Sada me zanima, nisam dobila nikakav odgovor, da li je ista napravljena, koja bi to sredstva bila uopće potrebna za ovu vrstu isplate od strane Vlade Kantona Sarajevo i da li se to preklapa sa nadležnostima FBIH, također Federalnog Zavoda za PIO/MIO? Evo toliko zahvaljujem.”

Zastupnica Vildana Bešlija je podnijela sljedeće: “Uzimajući u obzir da je kraj godine da je vrijeme praznika ja ću uputiti inicijativu za pojačan nadzor i kontrolu osoba koje posjeduju i pale, ustupaju, prodaju, kupuju, ili nude petarda i druga pirotehnička sredstava bez odobrenja nadležnog organa, kao i osoba koje priređuju bakljade, vatromete ili slične priredbe bez propisane najave ili mimo zabrane nadležnog organa ili bez preduzimanja mjera osiguranja. Mislim da treba napomenuti da prema članovima Zakona 8,9 i 10, Zakona o prekršajima protiv JRiM Kantona Sarajevo novčanom kaznom od 300 do 900 KM kaznit će se za prekršaj ko na javnom mjestu posjeduje, pali, ustupa, prodaje, kupuje ili nudi petarda ili druga pirotehnička sredstva bez odobrenja nadležnog organa, kao i ko priredi bakljadu, vatromet ili sličnu priredbu bez propisane najave ili mimo zabrane nadležnog organa ili ko ne poduzme mjere osiguranja koje je dužan preduzeti. Također, novčanom kaznom od 2000 do 6000 KM kaznit će se pravno lice, odnosno novčanom kaznom od 300 do 900 KM kaznit će se odgovorno lice u pravnom licu za ove navedene prekršaje.

Također bih htjela da dobijem informaciju odnosno ukoliko je tačna, dobila sam informaciju da je Ministarstvo za odgoj i obrazovanje smanjilo broj asistenata za rad sa djecom sa poteškoćama u razvoju u OŠ „Osman Nakaš”. I kako mi je rečeno to predstavlja dodatnu poteškoću u realizaciji nastave za ovu ranjivu kategoriju našeg društva. Zato podnosim inicijativu da se odmah pristupi provjeri ovih informacija i ukoliko su tačne da se izvrši upošljavanje potrebnog broja asistenata u ovoj OŠ pri čemu bi trebalo uzeti u obzir razmatranje mogućeg njihovog zapošljavanja preko projekta JU Služba za zapošljavanje Kantona Sarajevo.

Želim skrenuti pažnju da se uprkos povećanju ukupnog broja asistenata u ovoj pomenutoj školi, kao i mnogim drugim, kako sam dobila informaciju je došlo do neopravdanog smanjenja broja asistenata i molim da se hitno poduzmu potrebni koraci da se ovo provjeri i ukoliko je tačno da se ova situacija promijeni. Hvala vam.”

Zastupnica Segmedina Srna Bajramović je podnijela sljedeće: “Ministarstvo komunalne privrede, infrastrukture, prostornog uređenja, građenja i zaštite okoliša istaklo je u Izvještaju o stanju u oblasti upraviteljstva probleme koji se javljaju prilikom donošenja odluka etažnih vlasnika putem obrazaca Zapisnika, a odnose se na najveći broj žalbi po pitanju validnosti podataka u njima i njihovog falsificirana.

Stoga, podnosim inicijativu Ministarstvu komunalne privrede, infrastrukture, prostornog uređenja, građenja i zaštite okoliša, Ministarstvu unutrašnjih poslova i Zavodu za informatiku i statistiku Kantona Sarajevo da iznađu rješenje kojim bi se podaci o brojevima ličnih karata etažnih vlasnika-potpisnika koji su sastavni dio obrazaca Zapisnika mogli provjeriti od strane

Ministarstva komunalne privrede, infrastrukture, prostornog uređenja, građenja i zaštite okoliša, jer se nakon potpisivanja isti dostavljaju nadležnom sektoru. Veliki je broj etažnih vlasnika koji se žali da su obrasci Zapisnika popunjeni lažnim podacima i potpisima, a provjera broja lične karte predstavljao bi efikasan način na koji bi se mogli brzo provjeriti upisani podaci.

Dalje podnosim inicijativu Vladi Kantona Sarajevo i Ministarstvu zdravstva da se po ugledu na Kantonalnu bolnicu Zenica uvedu automatizovane online liste čekanja na specijalističke preglede i pretrage u sve javne zdravstvene ustanove na području Kantona Sarajevo kao vid poboljšanja transparentnosti rada istih.

I treće, podnosim inicijativu Vladi Kantona Sarajevo, Ministarstvu za odgoj i obrazovanje da se u što kraćem vremenskom periodu izvrše preostale obaveze iz člana 118, 119. i 120. Zakona o osnovnom odgoju i obrazovanju. Hvala.”

Zastupnik Damir Marjanović je podnio sljedeće (citiramo): “Prije nego što postavim pitanje iskoristio bih ovu priliku pošto je ovo prva Skupština nakon Božića da svim građanima Kantona Sarajevo katoličke vjeroispovijesti poželim čestit Božić u nadi da su ga proveli u dobrom zdravlju, sa svojim najmilijima. Ono što definitivno bih trebao da podsjetim sve nas, a vezano je za Skupštinu Kantona Sarajevo, 2019 smo imali Tematsku sjednicu iz oblasti obrazovanja i jedan od tih zaključaka je bio da ćemo svaka tri mjeseca dobijati informaciju vezano za kurikularnu reformu i ukupno reformu obrazovanja na području Kantona Sarajevo. Pa ću zamoliti Kolegij Skupštine Kantona Sarajevo da za prvu sjednicu u 2022.godini uvrsti tu tačku dnevnog reda, a zamolit ću uvažene ministrice resora odgoja i obrazovanja, i nauke i visokog obrazovanja mladih da se pripreme za tu tačku i da nam detaljnu informaciju glede procesa reforme obrazovanja, tj ispunjavanja određenih zaključaka Tematske sjednice koju smo imali a tiče se procesa reforme obrazovanja u Kantonu Sarajevo. Hvala velika.”

Zastupnica Amra Junuzović-Kaljić je podnijela sljedeće: “Ovo je inicijativa koja se upućuje prema Ministarstvu zdravstva a odnosi se na instaliranje odnosno nabavku i instaliranje uređaja koji je označen kao automatski eksterni defibrilator na olimpijskim planinama. Dakle na Trebeviću i Bjelašnici. Kao što je poznato u Kantonu Sarajevo Zavod za HMP je u prethodnom periodu instalirao šest takvih defibrilatora, takvih aparata. Aparat košta 5000 do 6000 KM. A kratko ću vam objasniti šta je ustvari namjena. Vodeći uzrok iznenadne, neočekivane smrti je iznenadni srčani zastoj koji je povezan najčešće sa ventikulranom fibrilacijom. Preživljavanje ovih osoba zavisi od brzog tretmana defibrilacijom upravo ovim aparatom, gdje elektro šok isporučuje i time pokušava vratiti normalan srčani ritam. Ta rana defibrilacija je ključni faktor u kardiopulmonalnoj reanimaciji preživljavanju osoba. Dakle, automatski eksterni defibrilator je jedan mali prenosni uređaj vrlo jednostavan za korištenje, jer daje i glasovne i tekstualne instrukcije za osobu koja vodi proceduru reanimacije a treba naglasiti da je već više od 5000 građana Kantona Sarajevo prošlo kurs reanimacije i korektnu upotrebu ovakvih defibrilatora. Hvala lijepo.”

Zastupnik Zvonko Marić je podnio sljedeće (citiramo): “Pa ja imam nekoliko pitanja, nastojat ću da to traje kratko. Prvo moje pitanje odnosi se na temelju mojih osobnih saznanja i iskustava ili građana koji su mi se javljali želio bih da postavim pitanje jedno za JP Pokop odnosno njegovo menadžment i naravno resorno Ministarstvo. Naime radi se o tome pošto se tamo izdaju neke svojevrsne propusnice, volio ih da znam prema kojem pravnom osnovu je uprava donijela norme jer Zakon o komunalnoj djelatnosti, Uredba o (nerazumljivo) grobalja i slično i kako je uprava predvidjela propusnice za posebne kategorije kao što su: RVI, civilne žrtve rata, osobe sa invaliditetom, osobe sa poteškoćama u razvoju, osobe starije životne dobi, osobe sa narušenim zdravljem itd. Da li Pokop ima osoblje koje je u stanju da cijeni ili na

neki način tumači ljekarske nalaze o narušenom zdravlje i na koji način utvrđuje stariju životnu dob? To je vrlo interesantno jer šta se zapravo suštinski mijenja ovim propusnicama koje traju da napomenem samo godinu dana. Zašto je važnost tih propusnica i ono što je posebno značajno radi se emotivnim trenucima kada ljudi žele da isprate najmilije i to posljednji put i to na najudaljenijim kotama ili brdima i dijelovima groblja. Da li je Ministarstvo koordiniralo ovu aktivnost i dalo ikakvu saglasnost. Naime podsjećam da su to javni objekti, i da je riječ o najranjivijim kategorijama. I volio bih da mi se odgovori na sva ta pitanja kao bi mogli da podnesemo neku inicijativu jer radi se očigledno o diskriminaciji i nepostojanju sluha za onaj čin sahrane, ukopa, dženaze kako god hoćete jer podsjećam da su sada najudaljenije kote od kapije udaljenje najmanje 2 do 2,5 km i šta se željelo time postići? Moje drugo pitanje se odnosi na to, naime liftovi na Bjelašnici molim vas, prodaju se karte masovno bez procjene da li će je iskoristiti svi i onda kaže da je kraj radnog vremena u 15,00 sati jer sat vremena im treba da sve to spakuju, pospreme itd. I veliki broj građana kupi ulaznice i bude prevaren iz prostog razloga što nije u mogućnosti da koristi kartu koju su kupili. Ja bih volio da znam po kojem osnovu se to radi, i mislim da to nije svojstveno ni jednom ozbiljnijem skijaškom centru osim Bjelašnici. I naravno 15 minuta bi bilo sasvim dovoljno da poslije radnog vremena, odnosno 16,00 sati ljudi pokupe i počnu se spremati. Šta znači 15 minuta. Nezadovoljni su posjetioci i građani jer ne mogu dobiti uslugu onu koju su platili. Ja ne znam kakav je to režim, ko je dao saglasnost za takvo nešto i molim vas ukoliko je moguće da dobijem ovo pitanje a nekako mi je besmisleno postavljamo pitanja a nemamo nikakve usmene odgovore i volio bih da se u buduće ova praksa ne nastavi iz prostor razloga što evo i prethodna tačka je bila nismo dobili odgovore na ključna pitanja. Ako ne dobijemo odgovore ne znamo kako i na koji način da se izjasnimo jer naprosto oni predlagači ili ljudi koji su zaduženi za te određene resore ne mogu da nam daju pitanja i stvaraju nesigurnost kod izjašnjavanja. Hvala.”

Zastupnik Haris Zahiragić je podnio sljedeće (citiramo): “Imam više pitanja i inicijativa. Jednu ću inicijativu pročitati i drugo pitanje ću pročitati, a ostala ću dostaviti u pismenoj formi. Na sva pitanja tražim usmeni odgovor. A na inicijativu tražim glasanje, može na narednoj sjednici, ne mora na ovoj neka Vlada da svoj stav o njoj s obzirom da će iziskivati neke finansijske troškove iako bi to bilo neko formalno zaduženje vezano za Budžet.

Inicijativa je sljedeća da Skupština Kanton Sarajevo zaduži Vladu Kantona Sarajevo da prilikom izrade Prijedloga Budžeta za 2020 godinu predvidi poziciju i sredstva za besplatan doktorat duplim Zlatnim značkama na njihovim matičnim fakultetima UNSA. Mislim da posebno obrazloženje za ovakvu inicijativu i njenu potrebu ne trebam naglašavati. Istina u Kantonu Sarajevo postoji trenutno u Ministarstvu visokog obrazovanja, nauke i mladih određeni javni poziv na kojem se dodjeljuje dio troškova doktorata itd ali mislim ako moramo naći mjeru izvrsnosti ko su ti ljudi koji trebaju da imaju od države besplatnu šansu da se dodatno usavršavaju i da steknu zvanje doktora nauka mislim da su to jedini kriteriji koje možemo uspostaviti da su valjani. Dakle dupla Zlatna značka i kriterij bez obzira šta mi mislili o tome ili ne mislili, to je jedini kriterij na koje možemo utvrditi da je neko i na prvom i na drugom ciklusu bio izvrstan i ukoliko jeste, mi smo dužni tim ljudima na ovaj ili na onaj način obezbijediti potpuno besplatan doktorate. Ne subvenciju, ne refundaciju, nego potpuno besplatan upis na doktorski studij jer ne smijemo dozvoliti elitizaciju ni znanja ni zvanja na UNSA. I očekujem od kolega da će podržati ovakvu inicijativu, bez obzira što će možda neki reći da je to previše, da su to matična sredstava UNSA itd. Ipak smo mi osnivač vlasnik UNSA.

I postavljam zastupničko pitanje Vladi Kantona Sarajevo da mi dostaviti spisak svih osoba kojima je Vlada Kantona Sarajevo platila put i troškove smještaja u Dubai na sajam "EXPO 2020.", sa obrazloženjem, osnovom i razlozima zašto su baš te osobe išle, u kojem svojstvu i po kojim kriterijima, kao i tačan iznos troškova za tu namjenu prema dostavljenim fakturama

od strane organizatora hotela, turističke agencije ili svih troškova koji su nastali u vezi s tim putovanjem- obrazloženje ovog zastupničkog pitanja vidio sam na društvenim mrežama da pojedine osobe iz javnog života koje nikakve veze nemaju sa EXPO su bile u delegaciji i Kanton Sarajevo im platio trošak pa me zanima ko su sve te osobe. Ja znam da je moguće izvršiti uvid, ako bih parcijalno izvršavao ali hoću da mi se na poslaničko pitanje taksativno nabroji. I tačna sredstva koliko se utrošilo za tu namjenu. Hvala predsjedavajući.”

Zastupnik Mirza Čelik je podnio sljedeće (citiramo):“Ja ću krenuti sa nekoliko pitanja, nadam se usmenom odgovoru za svako postavljeno pitanje. Pitanje vezano za Veliku aleju, platani su posađeni 1892 i to bilo je 726 zasađenih, danas imamo tako piše bar na Internetu 630. ja sam prošao zadnjih par dana više puta kroz Aleju vidio sam da je dosta posjećeno tih platana, pa evo molio bih Vladu da nam obrazloži šta planira dalje raditi sa Velikom alejom ili ćemo je devastirati i uništiti ili nam ne treba u Kantonu Sarajevo Velika aleja.

Pitanje za premijera da nam detaljno da informaciju vezano pregovore sa sindikatom obzirom da vidimo da u svim kantonima imamo povećanje osnovica za 10% i u ZDK i TK. Dokle je Vlada Kantona Sarajevo sa pregovorima vezano za donošenje također Budžeta za 2022. znači detaljnu informaciju.

Također pitanje za premijera, evo pokušao sam dobiti vezano za Nacrt Zakona što je bio danas na sjednici o privatizaciji i privlačenju investicija da nam kaže premijer koje je to preduzeće koje se vješto skriva nekoliko godina i da nam konačno se to ime saopšti tog preduzeća jer je to ipak u vlasništvu Kantona mi ga trebamo vratiti u ruke Vlade, odnosno ako to pripada Skupštini da Skupština rukovodi sa tim preduzećem.

Ove godine je bilo promovisano na UNSA 4868 diplomanata i magistranata i nećete vjerovati svi su morali platiti po 231 KM za izdavanje diplome. Pitam Vladu odnosno premijera da li postoje mogućnost da se uplate sredstava u iznosu od 1.124.508 KM kako bi UNSA izvršio povrat sredstava studentima koji su platili za izdavanje diplome. I predlažem da se to više nikada ne desi i da u narednom periodu kroz Budžet bilo koje godine naredne imamo sredstava za izdavanje diploma za naše diplomante odnosno magistre i doktore koji završavaju fakultet na UNSA. Hvala.”

Zastupnik Samir Suljević je podnio sljedeće (citiramo): “Zahvaljujem predsjedavajući. Imam nekoliko pitanja. I tražim pismeni odgovor na njih. Prvo je Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo Stambeno-poslovne zgrade „Palma“ i „Loris“, naselje Hrasno, Općina Novo Sarajevo i poslije dvadeset i pet godina nakon rata predstavljaju estetsko ruglo Sarajeva i sigurnosnu opasnost za građane KS. To jedne od rijetkih zgrada sa velikim brojem stanara, u čiju obnovu nisu uložena skoro nikakva finansijska sredstva, osim pojedinačnih akcija stanara. Prije dvije godine na javnom pozivu za energetske utopljanje zgrada od strane Ministarstva, zgrada „Palma“ bila prva na rang-listi, ali je „odlaskom“ Vlade šestorke, ovaj projekat zaustavljen. U skladu s navedenim postavljam

ZASTUPNIČKO PITANJE

1. Da li Ministarstvo i Vlada Kantona Sarajevo planiraju sanaciju, odnosno energetske utopljanje ovih zgrada ?

Obrazloženje:

Radi se o zgradama sa preko 250 stambenih jedinica, koje su u proteklom ratu bile u samoj zoni ratnih dejstava i u velikoj mjeri su oštećene.(krovovi, fasade...) u velikoj mjeri oštećeni. Mali dio zgrade LORIS je od strane humanitarne organizacije iz Holandije nakon rata, ali i tu su primjetni veliki problemi sa fasadom. Nedavno su se stanari pokušali sami organizovati za obnovu dijela fasade, ali potrebno je naglasiti da bi učešće stanara u obnovi obje zgrade bilo značajno, što je za većinu stanara nedostižno. i Palma je nešto bolje, zahvaljujući. Dobro, neću dalje nastaviti da stignem sve oko obrazloženja, idem dalje.

Sljedeća pitanja su isto Ministarstvu komunalne privrede, infrastrukture, prostornog uređenja, građenja i zaštite okoliša Prije nekoliko dana, ujutro, kada su se temperature „spuštale“ i do -10 C vidim radnike KJKP „Park“ , dok rade. U starim vojničkim uniformama i ljetnim patikama. Žale se na male plate, kažu od 600 i nešto KM do 700 KM , te da nemaju opreme za rad (radnu opremu). U skladu sa navedenim, postavljam sljedeća

ZASTUPNIČKA PITANJA

1. Da li je istina da radnici KJKP „Park“ nemaju radne kombinezone, cipele i ostalu radnu opremu?
2. Da li je istina da su plate radnika na održavanju zelenih površina kao što sam naprijed naveo?
3. Ako je sve navedeno istina molim da mi se odgovori; Šta se preduzima da se radnicima obezbijedi oprema za rad i povećaju plaće?

Sljedeća zastupnička su postavljena Ministarstvu za rad socijalnu politiku, raseljena lica i izbjeglice KS, Ministarstvu unutrašnjih poslova KS Ovih hladnih dana javilo mi se nekoliko naših sugrađana koji su na više lokacija u Kantonu opazili djecu koja se smrzavaju dok prose, te se mu zamolili da ovo pitanje ponovo problematiziramo. Imajući u vidu da je problem organiziranog prosjačenja djece i sa djecom dobro poznat, te da se korištenjem djece za ove svrhe krše dječija prava koja su im važećim zakonima i međunarodnim konvencijama zagantovana, a da se još ne nazire rješenje ovog problema, postavljam sljedeća

ZASTUPNIČKA PITANJA:

1. U kojoj mjeri su Ministarstvo za rad socijalnu politiku, raseljena lica i izbjeglice KS socijale, odnosno nadležne ustanove i službe, svjesni ovog problema i koje su glavne aktivnosti koje se poduzimaju da se ova pojava suzbije?
2. Da li je KJU “Odgojni centar KS” dovoljno kapacitirana da može uspješno odgovoriti svim potrebama u KS ? Šta bi bilo neophodno unaprijediti da bi ova ustanova počela efikasnije djelovati ?

Ako je vrijeme već toliko isteklo, ostala tri, četiri pitanja ću putem pismenog puta dostaviti. Hvala.”

S obzirom da su iscrpljene sve tačke dnevnog reda, predsjedavajući Elvedin Okerić je zaključio rad na 46. radnoj sjednici Skupštine Kantona Sarajevo.

Zapisnik izradila:

Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.